

Na osnovu člana 4. Pravilnika o nagrađivanju učenika osnovnih i srednjih škola za postignute rezultate iz oblasti obrazovanja, nauke, tehnike, kulture i sporta i studenata dobitnika najvećih priznanja Univerziteta u Sarajevu „Zlatna i Srebrna značka“ („Službene novine Kantona Sarajevo“, broj: 14/24) Općinski načelnik putem Službe za obrazovanje, kulturu, sport i mlade Općine Stari Grad Sarajevo raspisuje:

JAVNI POZIV
za nagrađivanje studenata dobitnika priznanja
„Zlatna i Srebrna značka“ Univerziteta u Sarajevu

Pravo učešća po ovom Javnom pozivu imaju studenti - dobitnici najvećih priznanja Univerziteta u Sarajevu „Zlatna i Srebrna značka“, do 27 godina starosti, državljani BiH sa prebivalištem na području Općine Stari Grad Sarajevo.

Uz prijavu neophodno je priložiti sljedeće dokumente (originale ili ovjerene kopije):

1. **Uvjerenje o državljanstvu ili Izvod iz matične knjige rođenih sa upisanim državljanstvom (ne stariji od 6 mjeseci);**
2. **Potvrda/obavještenje o prebivalištu iz CIPS-a (ne starija od 6 mjeseci);**
3. **Dokaz o dodijeljenom priznanju Univerziteta u Sarajevu;**
4. **Drugi neophodni dokumenti:**
 - **Izjava kandidata** kojom se daje saglasnost da se njegovi podaci mogu obrađivati u skladu sa članom 5. Zakona o zaštiti ličnih podataka („Službeni glasnik BiH" broj 76/11). Za maloljetne kandidate Izjavu daje roditelj/staratelj i ista treba biti ovjerena od strane nadležne općinske službe;
 - **Potvrda banke** o otvorenom računu.

Napomena: Nagrađivanje studenata odnosi se na dobitnike priznanja „Zlatna i Srebrna značka“ za akademsku 2022/2023.godinu, a što se dodjeljuje u akademskoj 2023/2024. godini.

Javni poziv ostaje otvoren 15 dana od dana objave.

Prijava sa neophodnom dokumentacijom se podnosi na propisanom obrascu (obrazac br.6 se može preuzeti u šalter sali Općine Stari Grad Sarajevo, šalter broj 4 i/ili na web-stranici Općine www.starigrad.ba) na protokol Općine ili putem pošte na adresu:

Općina Stari Grad Sarajevo
Služba za obrazovanje, kulturu, sport i mlade
sa naznakom:
JAVNI POZIV
za nagrađivanje studenata dobitnika priznanja Univerziteta u Sarajevu
„Zlatna i Srebrna značka“
Ulica Zelenih beretki broj 4
71000 Sarajevo

Nepotpune i neblagovremene prijave neće se uzeti u razmatranje.

Odluka o iznosu nagrade za studente dobitnike najvećih priznanja Univerziteta u Sarajevu „Zlatna i Srebrna značka“ donijet će se u skladu sa raspoloživim sredstvima.

Aplikant koji nije zadovoljan Zaključkom Općinskog načelnika može podnijeti prigovor za zaštitu svojih prava Drugostepenoj stručnoj komisiji Općine Stari Grad Sarajevo u roku od 8 dana od dana prijema obavijesti.

Odluka Drugostepene stručne komisije Općine Stari Grad Sarajevo je konačna.

Za sve dodatne informacije kandidati se mogu obratiti Službi za obrazovanje, kulturu, sport i mlade na brojeve telefona: 033/282-324 i 033/282-377.

Broj: 15-34-4338/24

Datum: 21.05.2024. godine

OPĆINSKI NAČELNIK
Irfan Čengić